

www.BibleForChildren.org


Mateo 1




Isapeo seisi pakini kasiriti kamixi onakasaaki Teoso
iokanataari initiri iaxitikiri Kapirieo Nasaree sitatxitimoni,
Kariréia tōpamoni. Iuaã iokanataari iua ātokoromoni
Maria inakoromoni. Oa kona sirīkapanika kikikata.
Osāpiretapekari ātokori Xosee inakori iuakata
oītaniriuatini ĩkapani. Xosee atokiri kitxakapirīka
Xoteoakori auīte Tavii inakori.



Teoso nitiri txaro: —!Pipĩkarauatape,
Maria. Teoso apokaerekatai pite.
Pimixiuatako, keene pitxako.
Pitakauãkatariko pamarite Xesosi.
Iua Apiatakari itxauako.
Apiananiri ãkiri akiritaãkako.
Teoso Apiananiri kamariko
iua auĩtetxi ininiãua.



Kitxakapirika Xoteoakori auite Taviini.
Taviini auitetxi ininiua atokokana,
Teoso txikitakariko Xesosi
Xoteoakori auite ininiua.
Atipirika Xoteoakori
auite, Xakooni apiko
mekaniriakori auite,
itxauako. Iua
auitetxi ininiua
!ixipoka —itxaro oa.



Ininiã oa: —Kiãtokopa nitxa kikikata
masirĩkatokano, keenepe ninini?

—otxa. Teoso nitiri
apakapapiretaro: —Erekari
Matamatakoti apokako
pãkixinireẽ. Apiananiri
posotiire ãkitaiko
pite, ininiã amarini
auakari Teoso
ãkiri akiritaãkako.



Mapaōti napa atoko Maria katimariā
sari oxiratarimoni, Xotéia tōpamoni.
luaā osari sitatximoni. Oīroā Sakaria
aapoko. Oākiritaro
Isapeo: —Ereēkai
—otxa. Isapeo
kenakotakasaakiri
Maria akiritiniro oa,
iuasaaki amarini
otikakoākiri
oākika.



Iuasaakipeka Erekarī Matamatakoti
itapararitika apoka Isapeo ākixinireē.

Iuasaaki otapararitika otxaro

Maria: —Kaiāopokoro sito

itixi auakani, iuaritika

pitenokara Teoso sika

apia erekari. Apaka

Teoso sikariko

erekari

pamaritemoni.



Ia atoko itxapaniko Xesosi.
Teoso mereẽkiti
iponaniãkasaaki, Maria
ominapatari Xosee.
Oĩtaniriuatini apisapanika,
omotokiãri amarini
Erekari
Matamatakoti
sikakiti. Xosee
uãkatari Maria
kamari
maerekati ãtikata.



Atão inakarinoa kamakari
iua, ininiã kona inirekari
kãkiti imaropiretiniri oa
kamixi onini. Kãkiti sauaki
osiniã, Xosee !inirekaro
opẽtauatini, kotxi
erekari kamakari iua.
Ininiã inirekari
itakanapiniro oa,
ixika kãkiti
mimarotakaniã.



Ikara atoko inini ixiniremoni, Teoso nitiri iaxitikiri apoka itaponemoni. Ininiã itxa: —Xosee, Taviini apika mekaniri pite. Kona pipĩkapero Maria papakapini pĩtanoro ĩkapani, kotxi Erekarı Matamatakoti, iuara kamixipeka txĩkitakaro.




Auako oa ākiri. Pitakauākatariko Xesosi itxauako, kotxi imakaxakari kākiti maerekani —itxa Teoso nitiri.


“Xesosi” popīkari sākireē, iuatxikana,
“Kākiti Maerekani Makatxakakari,” itxa.



Xosee merekasaaki, iua auikari Teoso nitiri sãkire.
Ininiã ãtanorouata Mariakata. Eereka amarini
iponaniãkasaaki, Xosee takauãkatari
Xesosi itxaua. Amarini iponaniini
apisa iua !isirĩka Mariakata.



Iuasaaki Homanoakori auĩte Sesa Akósito inakori. Iua
paniātana initiriakori iaōtiniri ikininape kākiti iua auĩteti
ininiātaāua tōpa auakani,
ikini aapokotxitikini
uāka imakatkakini
ĩkapani. Iuasaaki
ikinimane sari



sitatximoni iponaniiniātaāna. Iuaā isikarina iuākana.



Ininiã Xosee apaka sari iuãka isikini ãkapani. Ininiã ipotorika Nasaree sitatxiti Kariréia tōpa. Xotéia tōpamoni isa, Pereẽ sitatxitimoni.

Iuaã isa, kotxi iuaã auĩttxi Taviini kitxakapirĩka aua.




Taviini nirimane itxaua Xosee. Isa Mariakata. Ītanoro
tīkane oa. Iuasaaki !itakapanikaro. Kamixipeka otxa
iuasaaki.




Pereẽ apoka itxana.
luaã auakasaakina,
aua itxa amarini.



Oãuãkitakari merepitipanika oimi kiki. Ininiã mãkatxi
mataã oiapirikari, pirãtxi nipokotini tiitxitiã
taka otxari amarini, kotxi kãkiti
imakanakiniãtaã imakinika
xãpokapeka,
ininiã ninoa
auanãta



Iuaãtaã Pereẽ sitatxiti mapotõkire ãkanõka kikiakori soti
auĩte piratakani nĩkanãtari ipiraakorina. Iuasaaki
katimaritika Apiananiri nitiri iaxitikiri
tokiã ninoamoni. Iuasaaki



Apiananiri
iotximere
iopinikari
ninoa
auiniãtaã,

ininiã imarotarina
Teoso apokini
iuaãtaã.



Ininiã iteene ipĩkarauatana ninoa. Ininiã Teoso nitiri
txana ninoa: —!Hĩpĩkarauatape. Nota minapiretari
erekari pirena ikinimane kãkiti

enenĩkini
ĩkapani,
kotxi ia
õti kãkiti
maerekani
makatxaãkari

iponaniãpeka
Taviini auini
sitatxitiã.



Iua Teoso mereẽkiti. Apiananiri iua. Himarotariko
nisãkire atão inini, kotxi hãpokariko ia amarini mãkatxi
mataã iapirikiko pirãtxi nikini tiitxitiã
—Teoso nitiri txana ninoa.



Iuasaakipeka itomaneri Teoso nitiriakori iaxitikini tokiã
iuaãtaã. Ninoa xikarauata Teoso ãkapani.


Ixikaretarina: —Peerekari Teoso,
iaxiti apiko nopinixiti



auakari.



Iua kamaerekaxiniretari kākiti iua
apokaerekatakini —itxana ixikarena.



Teoso nitiriakori kanapiriã itxana Teoso tixinemoni.
Iuasaaki ninoa pirãtxi nĩkatakani misãkiretakakaua:
—Masa Pereẽmoni. Maãtamatarikara Apiananiri
sãpiretakiti —itxana. Ininiã
katimaritika isana Pereẽmoni.



luaã apokasaakina, initarina amarini. Apokana Xosee, Maria pakini. Ininiã atamatarina amarini pirãtxi nikini tiitxitiã. Ikara atamataãkana atoko, isãpirenãtarina Teoso nitiri sãpiretakiti amarini pirena ikinimanemoni.




Xesosi iponaniã
Pereẽ inakori sitatxiti,
Xotéia tõpa, Erotxi
auĩtetxi inakasaakiua.
luasaaki
atokatxi

pokĩkinimoni auakani
sari Xerosareẽ sitatxitimoni
Pereẽ takote. Iõriki imarotakani
ninoa. Ininiã itxana kãkitimoni:
—Naniparari amarini Xoteo
auĩte inakariua?



Ate itikapekaro
iōrikite atokatxi
pokĩkinimoni.



Oa iōriki oerekaua auĩtetxi
Apiananiri iponaniāpeka. Ininiā
ate apoka uai akapotoreẽkiniua
iua apisatoõ, kotxi Apiananiri
itxaua —itxana ninoa.



Ininiã Erotxi akiritana ninoa
iõriki imarotakani, ninoanani
imisãkiretini ãkapani. Ininiã
ipimaãna: —Mitxipitipanika
kirisaakipa hĩtikataro oa
iõriki? —itxa ninoamoni.
Ininiã ninoa sãpiretari.
Iposo atoko iokanatana
Pereẽmoni: —Hĩsako
Pereẽmoni amarini
hinitini ãkapani.



Hāpokasaakiri, hīsāpiretano.
Ininiā nota apaka sako, iua
apisatoō nikapotareēkiniua
īkapani —itxa Erotxi.
Txamari inirekari okiniri
Xesosi, kotxi !inirekari
āti auñtetxi auini.



Erotxi sãkire ikenakotakana atoko, ipotorikana. Iõriki atokatxi pokĩkinimoni itikakitona ãkiika. Anikana Xesosi

auinimoni. Iuaãtaã oa iõriki iotoka.

Ininiã apokana aapoko.

Ïroãna. Apokarina amarini

inoro Mariakata. Ininiã

ikapotoreẽkauana

Xesosi apisatoõ.


Itxarina:

—Apiananiri

pitxaua. Aãuĩte

pitxaua

—itxana.



Iposo atoko itiina imakaxakana. Ininiã imakaxakarina
erekari imĩkitina auĩtetximoni isikakitina ĩkapani. Isikarina
oro, ĩsẽso inakori, miha inakori pakini.



Īsēso, miha pakini kamariāro peerekari. Ininiā eereka
Teoso sāpiretana iōriki imarotakanimoni itaponeēna:

—Kona hīkanapiriāpe Erotximoni

—itxa Teoso ninoa taponemoni.

Ininiā ninoa kanapiriākasaaki

auinimoni, āti

kimaporitimoni

isana.



lõriki imarotakani sipeka
atoko, Teoso nitiri iaxitikiri
sāpiretari Xosee itaponemoni:
—Paiamata. Põkitikaua.
Panikari amarini, inoro apaka
Exito tixinimoni. Himiteka.
Kona hīkanapiriāpe nota
masāpiretakanisaakii,
kotxi Erotxi



nitari amarini okiniri
īkapani —itxa Teoso
Xoseemoni.



Ininiã Xosee: —Nisapitikako
—itxa. Ininiã iua ãkanõkatika
Xosee õkitikaua. Aiamata
Exito tõpamoni isini, amarini
anikini ãkapani. Ininiã
imimitekari amarini
inorokata Exitomoni.
Erotxi ipinakasaaki,
iuasaaki ikanapiriãko.




Erotxi imarotakasaakiri iōriki
imarotakani sipe inakasaaki,
!imisākiretaikarina iua, ininiā
iua omanākarauata. Ininiā
amarini ipikananipeka inakaniua,
apaka axapitipanika inakaniua,
imakinikana okākitaka **Pereē**




sitatxitiā auakani.



Ikara atoko itxa, kotxi
iōriki imarotakani
sāpiretari ipikananipeka
oa iōriki tokiā.






Erotxi ipinaka atoko, Xosee
Exito tixini auakasaaki,
Teoso nitiri misãkiretari iua
itaponemoni. Itxari:

—Põkitikaua, pimikanapiriãri
amarini, inorokata Isaeo
tixinimoni. Amarini
kinirão okaka inakani
kona auaika —itxari.



Txamari imarotakasaakiri
Akirao, Erotxi ākiri
auñtetxi ininiua irini
tikini, Xosee pīkari
Xotéia tōpa
auini.



Ininiā Teoso nitiri
iuañkana itaponemoni
sāpiretari ātiātaā isini ĩkapani.



Ininiã Xosee, Maria,
Xesosi pakini sari
Kariréia tōpamoni
Isaeo tixini. Nasaree
sitatxiti kaikota
itxana.




Ia atoko itxa
kitxakapirīka Teoso sākire
sāpiretakani sāpiretakiti iaōka inini. Ninoa
txari: Nimereēkiti, Nasareekiri itxauako.



—Teoso iteene tiretari ikini itixiti
auakani, ininiã iokanatarari imatonõkari
imi kãkitimoni. Ininiã iua sãkire
auiãkanirako ipinaikako.
Ãtipirika auapikako.



36



60



Homano 3:23 Kotxi ikinimane kamari maerekati,
ininiã !aposota aãpokini Teoso iotximeremoni.

Homano 6:23 Maerekanitxi kãkiti patrãote atoko
itxa. Iñkitxitari kãkiti parĩkatxi ñki, txamari ipĩkitxi
itxaua parĩkatxi ñki. Teoso sikakiti atemoni ãtiãõ.
!Aparĩkauata Teoso sikakiti aãpakapini ñkapani,
iuaritika isikaua aãuini ãtipirika inini ñkapani, kotxi
aãuĩte Xesosi Kristo ipina ate ñkapani.

Epireo 9:27 Teoso kamari ikinimane kãkiti ãtikatika
koriini. Eereka ikinimane sari Teoso apisatoõ.
Iuasaaki apanakini apakapari imisiritiko. Apanakini
apakapari iparĩkana ñki.



Épeso 2:8,9 Atemoni erekari isikakitinokara
makatxakari amaerekani, isãkire aãuikasaaki.
Ininiã !aposota ateka maerekani amakatxakini,
kotxi maerekati kamakani atxaua. Teoso
sikakitinokara makatxakari amaerekani.
Akamakiti erekari !iposotari amaerekani
imakatxakini. Ininiã kãkiti iuikiniua !auari.
Teosonokara posotari imakatxakiniri
kãkiti maerekani.

Homano 10:9,10 Pinamaã, "Xesosi niauĩte" pininiã,
pãkixinireẽ pauikiniãri Xesosi ipinini Teoso
õkitikiniri iua, iuasaaki pimaerekani
makatxakaãkako.



Kotxi aãkixinireẽ Xesosi sãkire aãuikiniã,
ikamaerekataua. Anamaã "Maerekati kamakarino
nota," aniniã, iua makatxakari amaerekani.

Xoão 3:16,17 —Teoso iteene tiretari ikini itixiti
auakani, ininiã iokanatarari imatonõkari imi
kãkitimoni. Ininiã iua sãkire auiãkanirako kona
ipinaikako. ãtipirika auapikako. Teoso iokanatarari
imi kãkitimoni ikini itixiti auakanimoni kona
imisiritinina ãkapanini. Iua iokanatarari imi kãkiti
maerekani imakatxakini ãkapani, ninoa
imapinakani ãkapani.



1 Xoão 5:11-13 Kiripa Teoso sãpiretaua? Iua sãpiretaua: "Nitxĩkitakai auãki hinini notakata hãuapininiika hinini tĩkane. Ikara atoko nitxĩkitakai namarite nakitiakori hinakasaakiua." Iua Teoso ãkiri nakiti Teosokata ãtipirika auako. Iua Teoso ãkiri nakiti minakatiua, !auapani ãtipirika Teosokata. Hĩte auikari Xesosi Teoso ãkiri ininiua. Niokanatsopata hĩtemoni, Teosokata ãtipirika hãuini himarotini ĩkapani.



Mateo 1-2; Arókasi 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Apurinã Bible (apu) © 2004, Wycliffe Bible Translators, Inc.
All rights reserved.

<https://www.bible.com/bible/864/MAT.1>

©2026 Bible for Children, Inc.

www.M1914.org

www.bibleforchildren.org

